

اینقلابین موعظم رهبری: چوخ ایشلهینه مشهور اولان دولت خدمت فورصتینی آخیر لحظهیه جن حیفظ ائله سین

اینقلابین موعظم رهبری دولتین بعضی قوی نقطه لرینی سایماغینان، موقاویمت ایقتیصادینی اولکه نین قاباغا گنتمه سی نین تکجه یولو بیلدی و میلی اینسیجام و وحدته تأکید ائله ماغینان آرتیردی: مسؤولیتلرین حوزه سی موشخصدیر، قوه لرین اوچو ده هماهنگ عمل ائله مه لیدیر.



اینقلابین موعظم رهبری دولت اعضاسی نین گوروشونده تأکید ائله دی

چوخ ایشلهینه مشهور اولان دولت خدمت فورصتینی آخیر لحظهیه جن حیفظ ائله سین/ باهالیق و خرید قودرتین آزالماسی علاج اولمالیدیر.

اینقلابین موعظم رهبری دولتین بعضی قوی نقطه لرینی سایماغینان، موقاویمت ایقتیصادینی اولکه نین قاباغا گنتمه سی نین تکجه یولو بیلدی و میلی اینسیجام و وحدته تأکید ائله ماغینان آرتیردی: مسؤولیتلرین حوزه سی موشخصدیر، قوه لرین اوچو ده هماهنگ عمل ائله مه لیدیر.

موعظم رهبری مقامین اطلاع رسانی سائیتی نین گوزاریشینه گوره، ایسلامی اینقلابین موعظم رهبری حضرت آیت الله خامنه ای پنچشنبه گونو رئیس جمهور و دولت اعضاسی نین گوروشونده دولتین بعضی قوی نقطه لرینی سایماغینان، موقاویمت ایقتیصادینی اولکه نین قاباغا گنتمه سی نین تکجه یولو بیلدی و تأکید ائله دی: دولتی و غیر دولتی بخشلرین بوتون طرفیتلریندن ایستیفاده ائله ماق، جماعتین معیشت موشکوللرین حلی اوچون جیدی تصمیم، ایقتیصادی مفسده لرله موباریزه، میلی تولیددن حیمایت و ایسرافینان موباریزه، موقاویمت ایقتیصادی نین لازیمه لریدیر.

اونلار بو گوروشده شهیدلر رجائی و باهنر و هابنله عراقی نی یاد ائله ماغینان بو عزیزلردن یاد ائله ماغی اینقلاب دیالوگون و شهادت ارزیشینی دیری ساخلاماق سایدی.

اینقلابین رهبری دولت هفته سین، موحربه قوه سی و مسؤوللار و اورگانلارین ایشله یینلریندن تشکور ائله مک اوچون فرصت بیلدی و آرتیردی: بو هفته علاوه بر بوکی گوزاریش و ثرماق و جماعتی دولتین فعالیتلری این تائیش ائله ماغا بیر فوصدتیر، موحربه قوه نین داخلی ارزابلیق و گوج و ضعیف نقطه لرین آراشدیماسینا بیر فورصدتیر.

حضرت آیت الله خامنه ای خدمت فورصتی نین یئیین کتجه سینه ایشاره ائدیپ، دولت اعضاسینی اونوچو دولتدن قالان بیر ایلی غنیمت سایماسینا توصیه ائله دی و بویوردو: بو بیر ایله ده چوخ موهوم و بویوک ایشلر گورمک اولار.

او حضرت، دولتین دوردونجو فعالیت ایلینی ایکی داخلی و خارجی جهتدن موهوم ساییب و آرتیردی: ایستیکباری قودرتلر بوتون گوجلرینی ایرانین دالی اوتورماسینا ایشه سالیبلار کی دولتده گرک بوتون گوجونو و ظرفیتینی ایشه سالماغینان و قاباغا گنتمه نی ایدامه و ثرماغینان دوشمنین بو باطل خیالینی بیر-بیرینه وورا.

او حضرت، اونوچو دولتین آخیر ایلینی ده ایشلرین شیرازه سین باغلاماق جهتینده موهوم بیلیب و وزیرلرله تأکید بویوردولار: سیز چوخ ایشله ماغا مشهورسوز بو خاصیتی، جیدیتله فورصتین آخیر لحظه رینه جن، جماعت و اولکه به خدمت اتمک اوچون ساخلایین.

حضرت آیت الله خامنه ای صؤحتلرین آیری بؤلومونده بعضی موشکوللره ایشاره ائدیپ آرتیردی: بو موشکوللرین چوخو ضعیف و متوسط طبقه نین معیشتلرینده اولان چتینلیقلارا قایدیر کی گرک اونو ارادان گوتورماق اوچون جیدی صورتده هیمت و برنامه اولسون.

او حضرت، موجود موشکوللرین ریشه سی باره ده بویوردولار: بو موشکوللرین بعضیسی باهالیقدان گلیر البته بیزیم اولکه ده کالایلیغی بوخوردور اما باهالیق و جماعتین خرید گوجونون آزیلیغی گرک علاج اولسون کی بو زمینه ده بوتون سیتادی و عملیاتی بخشلر مسؤولدلور.

اینقلابین رهبری بونا ایشاره ائله ماغینان کی دولتین داخل و خارجینده کی نظر صاحبیلری نقدینه لیغین چوخالماسینی ایندیکی موشکوللرین ریشه سی بیلیرلر، تأکید بویوردولار: گرک تجربه و علم و هم فیکرلیغا دایانماغینان نقدینه لیغی کونترول ائله ماغا بیر چاره تاپاسیز و ایضافه اولموش نقدینه لیغی تولید مرکز رینه هیدایت ائله سیز.

حضرت آیت الله خامنه ای ایقتیصادی مفسده لرله موباریزه نی سالم سرمایه دارلارین ایستیقبالی و ایقتیصادی رونقه سبب بیلیب آرتیردی: گرک ایتی گورن، نارین گورن و اوزاق گورن گوزله ایقتیصادی مفسده دن موعایات اولاسیز و اونولا موباریزه ائله سیز کی بو زمینه ده دولت و فضای دستگاهین همکارلیغی ضروریدیر.

تولیددن حیمایت، موشکوله دایانان کرخانلار و ایقتیصادی واحیدلره یئتیشماق، کیچیک و متوسط واحیدلری فعال ائله ماق، ارزی منعلری مودیریت ائله ماق و میلی تولیددن هر طرفلی حیمایت ائله ماق، اینقلاب رهبری نین دولته تأکیدلی توصیه لریندن ایدی.

او حضرت موقاویمت ایقتیصادیندا ایسرافینان موباریزه نی ده موهوم ساییب و آرتیردی: بو زمینه ده، هم فرهنگ یارادان دستگاهلار مخصوصاً صدا و سیما و هم اجرایی دستگاهلار مسؤولدلور.

حضرت آیت الله خامنه ای دولتین صرفه جوبلوغا دیقت یئتیرماغینان رضایتین بیلدیریب آرتیردی: میلی تولیددن ایستیفاده ائله ماغی جیدی صورتده ایش برنامه سینده قرار وئیرن و اورگانلاردا خارجی کالالارین مصرفینی قداغان ائدین.

اینقلاب رهبر، فرهنگی زمینه لرده سطحی ایشلردن پرهیز ائله ماغا و درین ایشلره دیقت یئتیرماغا توصیه ائدیپ بویوردولار: کامیلاً موعایات اولون کی موهاجیم فرهنگ، عمومی فرهنگه صدمه وورماید اونو تأثیر آلتینا آلماسین.

اینقلاب رهبری نین رئیس جمهور و وزیرلرله آخیر توصیه سی بو ایدی: آلاه اوچون ایشله یین و بیر لحظه نی ده جماعت و نظاما خدمت ائله ماق اوچون الدن وئرمه یین. هنج کسده گومه سه آلاه گورور و بوتون بو فعالیتلره مضعف پاداش وئیر.